



16  
2798  
9





門 18  
號 2798  
卷 19

黃漳浦集卷三十八

詩

六言古詩

小儼

庚辰十月辛未  
時病瘡八十日

稽首穹身卑耳風霆莫惱君子昆蟲有罪自知燈火熒熒不欺  
我曾脫巾如廁目與廁神廷視我曾觸手搏牛手血幾洒牛頭  
六月自汲井水不及投錢井底荒年一過姊家半餐爲辭咄嗟  
我曾不領雜麥棄地自委餘力我曾自炊蘇蒸不知爲鄰墓薪  
瞠見蒼鷹搏爵救爵不能匍匐荷鉏欲適火畚失手不護交蛇  
我曾恭承面唾以手拭面還坐我曾誤觸親名當筵涕泗縱橫  
少年讀書貧賤中年知識離散風霆容有不知穹身卑耳知之  
上抵炎融霹靂下抵蛟龍魚鼈昆蟲有罪自將臣心自焚燈香

昭和十九年  
六月二十八日 購求



大懺

庚辰十月辛未時  
臥病正八十日

為臣努力當忠為子努力當孝排山倒海莫酬折骨還肉不效  
丈夫三十耕田可應涕泣呼天有道平格昭然何當才藝自憐  
憶昔負耒莘野一旦翻然駟馬彈琴陋巷自佳何為褒衣樹下  
子長母少當嫌就筭莽蜂不廉望炊瓜發未占持甌攬塵大織  
白是鋤瓜草艸貼親每食不飽棧床叱狗聲高東鄰西鄰伐棗  
會應多集聖賢撞鐘考鼓昌言呂公還釣渭泉夷齊掩口暮年  
雍伸解衣龍子夷吾飭節市裏端木殺馬焚車甯公終蹠牛矢  
不見西人去國經日樹下一宿祇今宮室巍峩從游居徒繁多

七言古詩

十定詩

君不見空山老猿掛絕壁手投橡栗與狙食垂髯坐壓蒼松枝

閉眼下炤巖水碧虎兕逡巡不忍號為銜猿子臥白石又不見  
寒潭千尺朱鱗魚方腮篋尾雙筋餘日影翻崖映潭底紫苔不  
動鉤微鬚又有翔鳶到寥廓凝身紆翮如槩木裴徊腋下生勁  
風長嘯似欲輕鼠璞君不見鳴蜩秋後黏枯枝精神去身身不  
知元蕤挂樹貌零露沾足猶不離樹衣又不見孳腹擁綿花  
毳軟白貼壁通身柔紗塵透窓掃不落幻殼已悟輕於漚又不  
見十年豐草盤青蛇一朝宛委遺袈裟灰踪欲覓渺無處圈鱗  
坐捨瑤瑁花人生各有定時節風雨通年十二月飽帆正面如  
射棚一日岸頭繫鐵楸君不見蚌胎重蜃涵定珠依蟾吐光若  
虛無不於此中攬母腹驪龍未敢吞方諸去年霹靂破桐樹瓊  
枝片碎委道路呼師裁為五尺琴炯炯明星淡夜露蒼茫萬里  
開洋船馮夷擊鼓驚長年牀頭盤鍼對檣面南海北海張靜筵



手持盤盞奉古宿眉簷不漏崑光日雷霆欲惹鼻頭塵坐下森  
森出茅竹世上盤盞何處少不向風波趕魚鳥蒲團已朽棕團  
新虎巢石窠泥塑人千聖百賢各臥盡留君踵息銷千春

已別諸子依依不去欲同淵姪北上毅然麾之並示諸同  
學

君不見古人裹足走流血蹄羣散盡飛鳴絕又不見都亭吏牽  
無姓名赤幘揮手驅青蠅方今明時安敢擬纍臣客送三千里  
生離死別不可知友道君恩已如此汀漳山高入雲章貢水  
駛如奔軍六月囚徒脫桎梏諸子何苦悲離羣人生報主各有  
道孤身掩口銜青草人生師古亦有時結束鞍馬騰茅茨英賢  
致身解血骨不向蛇蝎求異術焚香庭除樂事多彈劍送人將  
柰何天上巍神輕意氣琴筑哀絃安所寘斯文未喪應能來湯

花火花仍能開垂飛不食尋常事加餐勸我何爲哉且往治吾  
廬且還牧吾駒青穹眸子晶於珠定不隨人銷居諸君不見次  
公從此傳尙書

賦得陰崖結茅屋

庚辰廿三日燈下

北陸簷長日影短鷄號鳥噪恆苦晚腰鎌補屋牽茅茨出門恐  
有豺虎知壁間漏泉灑漉濁蝮蛇間遊戲青竹繩床倚竈午雲  
頽床頭採薪去不迴寒蟄入帷燈火死摸鎌斫石石不理清晨  
探雪爲朝餐搜書引火傷肺肝書囊欲折三五段長天久已無  
飛鴈人生焉得長少年結髮短於結茅錢市門刺繡展織指不  
識茅簷爲魚齒穿鍼月下紫榴裙但指陰崖爲墓門爲誰鉏茅  
再盤結一尺茅根三尺鐵秋風莫掩茅屋飛天下尙多人無歸  
雪花莫壓茅屋倒天下幾人猶未老黃金青繡瓊威蕤故積久



掃生苔衣夢中曾到知是非

竹刀篇

手持竹刀為君說天下負心無義鐵胡兒斫人如斫蒿  
人如刈毛雪郎舌長三五尺不吐一語擇人食解腰奮臂來青  
蛇嬰兒鷄雛孕婦瓜下厨不復辨鹿豕紫血當茶白當水鍊銅  
七鋼參分銀猶嫌鈍生力太淳礪鵝膏薰孔翠膽差當薄酒為  
微噉誰持此鐵訴上帝鉏斧不與分不義祇應當治為長號自  
呼不願為君刀君家葵園大節竹不噉腸胃充皮肉捨身自喜  
當君庖頗能剖事稱君曹翠雲鏤開明月片便與純鉤發生面  
一朝為解十蹲鴟滿志躊躇人不知秋薤春菘脆於紙紅絲不  
復血人指二十七種難摧鋒捷書不敢誣君功力微刺輕少注  
意要不當場誤君事煩君湔拭三兩巡退身藏器銷青春風裁

小可已如此不帶微腥累孫子吳鉤繡澁花蛇纏魚腸悶昏輪  
一錢鷄豚鶩鴨皆安眠老鐵不復當人前藥王殿頭缺素  
作重環坐相向園丁亦有一割心莫道此君無快狀

素詩四章

方池苕生漚白苧美人掩仰不得語橫江波平擣白絲男兒渡  
江人不知清霜未零萋薄露飄飄葛屨動行路菊花開盡野水  
寒疎帷襲風衾袖單隻鴈南征何所寄啼痕漬帛少行字帶長  
纓短心自敲蒨屋雪封何日消園葵已摘薤苗老半徑蕭然滿  
荒艸蒲團不定褰敝裾竈中合焚柿葉書太古希音久已斷一  
絃琴中得一半竹簾布簟招枯禪烏啼白日安能眠與君夜語  
踏明月畏聽杜鵑灑紅血銀河着天當戶垂燈青熒熒三星微  
椒盤不復想冰藕牆頭那借鄰兒酒蒨緜索落劍不霧開匣杳



無蛟龍腥五尺鮫綃滑如漆欲畫梅花點未得床頭自禮木頭  
香不與黃金借顏色

皎皎團團不可借當機擣杵不得下與君結束十年知猶如繡  
襠竹馬時寒燈疊裳炤婉婉皚然揚灰出火浣與君同處錦繡  
帳不脫茅竹舊時樣與君同踏湯火坑能翻六月涼城水豹鯉  
當筵留君住便化元蟬咽行露兩馬並逐穿肉林馬頭解衣安  
鳴琴木腸石肝空青髓不信爲指江心水梨腮桃靨玉瓊骨不  
信爲取江頭月團團皎皎誰得知爲君擣結心自悲

峨眉石橋結雪骨道人長梳鑿毛髮太白峰西水瀑飛道人胃  
竿晞苧衣水流雲深人人見荷鋤自收五尺劍與花散爲鼎頭  
烟自此天青無閃電種梅十里無清魂猛獸茹蔬夜候門貝葉  
鈔經墨蹟淡紗窓寫竹月華昏禮斗壇荒瓊樹老百尺露盤不

得飽白石爛煮釜中丹便化犬身爲莖草昨日移家遺藥白桃  
花未開鷄犬漏鳳凰氎采成鷗鳥莫怪道人如老婦

白髮老翁天下有白心少年那得久絳帳先生初上書曳履途  
窮懷赳赳後堂妓樂黯無色欲去隴西苦不得中郎中年還朔  
方括囊不復談貂璫百日爲官未話故女兒飄飄踏行路白足  
女兒天下多白手丈夫空奔波洛陽黃金散明月歸對機頭如  
對雪負郭能鋤十畝田銷除六印猶安然淮陰市曹上屠狗安  
知解劍爲負帚當時但從漂母游鐘室丹草青人頭貧兒開齋  
齋到底富兒開齋二日起長源娶婦分北宮帝奴鳴鼓婢撞鐘  
憶得松楸穩龍背縞衣山人如夢在北橋公子多從師東園赤  
松稱舊知一椎已散黃金盡便作神仙人不信晚張早李同分  
齋不元不白愁驚埃華陽畫牛牛放草白雲自鎖華陽道高徒



清晝登天宮悔不焚書消藥功陳橋驢夫笑道者卻爲他人忙  
墜馬麻衣楚楚無姓名真氣着人如涼城怡雲畫灰數却便  
脫麻衣與君著西湖西畔西孤山竈烟初起鶴奴還鳳凰山頭  
苦相向便取孤山畫屏障思君不如天水翁布被覆首藏被中  
一筆青丹點不到何處銷金鑄生貌笑人紈扇被苧衣翩翩來  
思久不歸臙脂畫形並畫骨柳汁青青是何物感君新詩歎白  
髮夜深莫惱屋梁月

詛洞

庚辰十月十九日時  
臥病八十有四日

平山搜山愛洞壑搜山無洞心不樂每言欲洞遊頑山如面交  
者無心腹山空結想心幽癡中夜寤夢嘗見之石罅豁訝藏窈  
窕擔簦赤腳相追隨此中黝冥少日氣蝙蝠撲火掠黑地咫尺  
不辨三辰光那得神仙丹篆字讀書蚤不登高明朱檻高樓相

與清鑿胸強作元奧窟要使鬼谷傲華閭果然精魁爲都君扶  
床張燈坐黃昏削瓜面前隱嘗語狐窠鬼館未温存夢中似見  
洞王說幽元到底是癡物幾人垂翼此中來尙與晴翁訴明發  
因思生平失探討不合略破潛雷道江上二十四雷山腑臙疑  
人安得好第一渾沌見委羽大翮已堆成糞土次則林屋稱乖  
崖半罅側身不得迴魚龍石鐘亦腥穢華陽良常但昧昧大抵  
潛雷委蛻來筇空髓徙心悲哀或有散髮枯疏屬我往從之何  
爲哉於今歷歷成精恠一竈一床不自在日光漏線不垂飛  
鼠飛飛欲盡晦我昔貽爾雙青鞋君今報我枯涎蝸我昔貽爾  
單鐵杖君今招我覆益益三辰冥冥何時晶伐木山中空鳴嚶  
遷喬幽谷亦成夢勞君窈窕日相送

白雲庫中伏枕斗室如椰子大不見三光自揣平生喜探



幽窟窮極之趣呈於夢寐援筆記之勿使見者疑其晦僂也

洞詛

作詛洞已復吟囁如答客  
嘲者後人見之可爲發笑

洞壑精靈不捏怪開襟揖客了無礙何處白雲起庫中強捉人  
裾作芥蒂交深交淺心自知夢明夢晦夜何其與君乾坤共一  
壑蜂房蟻國空相持丈夫曉理識精秘要識世間無怪事玲瓏  
心孔開慧園何者洞房塞素門儘有通人納軒殿如穿水竇負  
門扇一尺席地能精專飛神越空騰青天古人面壁十載一  
息擇蓬夜渡海令人壯遊三十年自賃籛餘數百錢夷吾當年  
適東魯膠日上車安足數立談數語酬伯主高子當轅國子鼓  
元成昔日亦當珠今吾非門不敢呼自非房杜存舊識太平那  
得如唐虞遇合有神交有命青天一一爲人正心鍼理線細於

系不與枝頭說幽靚君惡洞幽軒殿明此中莫有通人情君惡  
蒼苔蝙蝠氣此中莫有燕雀志世間蹄尾滿青山委羽林屋除  
關魚龍石鐘付鮫父華陽良常辭娜嬛自是君家少元貫琪  
樹瓊樓不肯讚現前祇作鷄棲看遂使闐風成絕岸君家亦有  
王方平驅羊如山餐杜蘅亦有王生採石髓丹書百行寫寸紙  
初來昏琢成樵夫中年霞光開眉鬚夷吾元成何足道要與赤  
松展懷抱鷄栖狗竇安足猜專心一神雲日開恨君當時交已  
淺溷廁堦頭說嫵婉悔不留君作鷄犬

方密之屢索易象正未之敢授爰謝乃翁仁植

古人間關寶古文寇賊不鋤火不焚夏黃貫械談尙書一篇尙  
書如一君憶在少年喜易象束髮危襟日相向於今忽過五十  
年九草七箋未得上眞宰惡人塵務多韋編不得揮陽戈文臣



素相各悻憤垂老欲墜將如何白雲庫中百二日宛轉呻吟裂  
血碧元黃初寫十二圖龍馬已齧三寸膝桐城方公愛此經苦  
無部署相批繩自言詮經家三世義理象數猶未明黃霸杜林  
亦人耳豈有朝聞夕遂死片楮隻字皆收藏但願生存畢此理  
筐籃一日臨五門風雨瞥天雷霆尊迴顧白雲不可見經書化  
蝶皆驚翻緬想方公食三嘆定謂此書終河漢丁甲欲取補鬼  
愁恨見數行未一半嗚呼生死會有時九京尙有義文師龐眉  
高官人何恨呼理不應如呼豬膚肉可潰理不奪自信此心如  
白月右手貫鑽左袖書解鑽寫書尙帶血淹留北寺五月餘仰  
鑽亦已麤成書二十萬言動指節欲斷不斷形模殊此書方成  
未一夜纏扭又過白雲下方公含喜來庫門薰覺未施便欲借  
小臣叩首稱天恩年來北寺誰能存已甘垂翼歸地火何敢開

眼談乾坤乾坤開朝水火暮嘗恐諸儒爲理悞偶將水火爭炎  
涼遂使乾坤鍵門戶方公好學天下無手捫北斗生觚隅一冬  
已盡一萬卷何必覽此增噫嗚昨日明廷戒吾黨血肉狼藉爲  
開講此道既不存詩書白心致王更清儉餘生儻得還茅齋閉  
眠緘書手不開義前一畫無爻象啾啾哭鬼何爲哉

題汪爾陶所藏謝思忠畫卷

古人命筆多元理常若愜意無知己君不見謝思忠暮年策足  
走湘水中歷九華與女儿自登參上及匡廬俯視山川如鍊紙  
推窓拓絹三十尺平批巖壑四千里遠近疎密皆精奇崖樹雲  
波不相似有時飛瀑出曲澗野艇驟槽走行李重重藏剝深且  
幽村落往往具瞳子秃筆不肯搔皮膚欲破青巒出白髓營丘  
北苑雖精詳遇此得意安可擬當時舟中殊無人更無攬持去



飛駛此老顧盼自珍惜願寄少溪草堂裡自云少溪具賞鑒若  
無賞鑒銜十指悠悠此卷一百年忽然生翼致我前猶餘宣德  
舊時箋使我渾手蘇雲烟一枝垂成神鬼憐何況吾道關蒼天

方孩未侍郎灌園

案方諱震孺  
惠諱世揚

寶山欲楚天曠陰寶苗一寸千黃金蓬柱蒿宮已蕭颯榭安  
得安山林昌啟年間諸君子十手何曾存一指所餘惠公與方  
公庖廚有命溷鹿豕惠公生還十五年至今開顏泉陶前方公  
猶自託林下姓名始得通御筵東海欲翻北海倒繫風縛雨苦  
不蚤飄搖蠱屋無安居龍蛇相呼戲珠草方公此時未登壇油  
鷄鬪鴨皆高冠捉鼻顛花恐不免白日擁竹圍琅玕自云少翁  
亦抱甕蘭菊花頭發春夢牙籤往往挑青畦石几遙遙謝塵鞿  
當年瘦馬行遼西胡駝不敢排深蹄須臾豺狼起輦下貂狐撫

掌宣長輦魯連之書晉陽甲麟鸞一一逢射獵懸溜暴漲雖崇  
朝折柱壞梁不可涉天步未肯迴艱虞蒼斨檣兀翻居諸廿年  
重開北門寺方公躑躅還愁予此道分明尼名世豈有庸流拔  
深刺王曹張趙俱搖頭云與舊事不相類人生髑髏天繫絲魚  
鼈蝼蟻安所私屠狗刀頭任公釣但爲通人發一笑偶爾生還  
棲大江方公攜酒開銀缸去年間關寄魚腹開械宛然尙可讀  
感今憶故恆傷魂當年駿骨今誰存鷗鶴欲化沙蟲猿伊呂久  
遠難俱論嬰兒一果諱當門安能與眾爭騰騫旦暮誰保芙蓉  
園且當傾杯喫酒澆乾坤

青巖

青巖鬱鬱盤青龍十圍百圍青芙蓉真人旣得歸真宅樵子仍  
可樵青松青巖樵子手玉斧曾直天門震天鼓一時號爲龍與



夔四岳九牧安足數一再出山未嘗墓秣馬飼騶盡芳杜青松  
約約期君歸猿招猿跋巖頭樹翱翔忽忽二十年山中強半藉  
松眠歲星不滯金門下劍氣頻援北斗邊以此浩然想樵舍白  
雲窈窕青巖下解纓濯足滄海流時兼魚政塞漁舟往返辭家  
不數里朝風暮風送樵子一葉青荷一局碁一聲黃鳥一句詩  
吾鄉既自飽柚橘况有白潮吐明月蟹螯如車丹於砂占城百  
斛不過家團傘荔枝已結子火齊木難如泥沙况復諸郎各懷  
抱看山亦得青巖道時作燕語呼平頭復怪蕙蘭如青草阿翁  
鬢髮殊依然不與佺期爭白元從此但自稱八百何必稽史談  
大千青巖山阿三百戶箇箇人識舊時路爲君吹笛爲君歌爲  
君放牛橫山坡上帝祇今惡誇詡莫說青巖樂如許恐復煩君  
脩玉斧

題鄭峯山集

十年以來欲爲鄭孔肩峯山集序未能也曹木上以書  
子元子意勒筆爲之率率數行附馳帛上使孔肩九京  
聞之必爲發粲也

鄭公孔肩猶青蓮拔泥出淖常嫣然隱身雲巢蓮池上而能絕  
口謝狐禪爲官五斗不適意慨然投杖生平地退視兒曹聞讀  
書手寫珠璣百萬字當年出口推名花一篇脫藁喧千家須臾  
風雲已變化數行孤鶩餞流霞長君壽子旣精爽水盤勝出遂  
高蹕亦曾手解十三經曲臺武庫俱深造次公元子更絕倫新  
書往往難弟昆峯山玉池吐玉髓真無一水侵塵氛我昔許作  
峯山序十年棲遲不得句元豹自有玉光何必南山乞元霧  
方今名位多上頭銀河闌星星不流湖石淮碑改名姓菊蘭安



敢司春秋勸君讀書速秋駕藍田合出玉峰下有日標崇鄭公  
箋不從闕閱看游夏

書示郭彥清

大道昭昭何所求一行一節不足謀澹簡之心春與秋榮華之  
言後有矛誦詩讀書賢聖儔靜琴娟釣銷千愁生不聞道猶猿  
猱周孔去人十指頭平津再罷未封侯謝安五十猶烏裘苟成  
事業如泡漚安足與君爭清脩床頭易書精且幽我欲與君分  
鴻溝

大滌山寄別陸魯瞻

我行猶未到湖右眾口已誦賢太守我行再至湖西峰太守賢  
聲如晨鐘蒼生凋敝已如此雖有龔黃安得理丈夫但盡己所  
懷安知世路閒乖崖閭巷小兒俱高識至今猶識蘇與白蘇白

兩公嫺文章又爲太守車馬香老翁經過但旅次何爲亦有知  
名字小舟三月泛江濤江神嶽色愁驚號皖城風鶴蔽江下勸  
余暫憩餘杭駕餘杭三洞幽且深六月樵子揮遺金况去湖州  
二百里豈敢一畝湖州水郭文舊居大滌西三里兩里真人棲  
恨不移家向此住又當擊楫大江去大江源頭沅與湘石笈藏  
書多芸芳明時幸得一游目一令游目亦意足但得洞庭澹微  
波敢望衡雲開如何老翁心神白如雪不與太守輕話別上江  
米價今稍平烽火諒不摧詩城襍被圖書已如箭江風不看西  
湖面努力何期得再見

寄別臥子兼懷鴻寶

紹興使君萬斛珠隨風飛灑千澤蘇文章經濟各大雅出之我  
口寧爲謔雲門蘭亭坐親切崔子下堂咏碧雪客棹不敢間移



游猶請老翁看五洩天下水無匡廬奇鴈蕩無聲差勝之五洩  
壯險不可及安能過於倪公詩倪公與余最相契一字動有千  
峰勢每頌使君明且清董賈韓蘇失位置我行當過三閩江若  
耶溪情橫相縱迂迴二千三百里不顧白璧黃金雙使君偶來  
再夜坐剡舟如鞋載白墮不知身在智井中恍惚槎從銀漢渡  
倪公抱我如抱鷄五年兩過靈峰西一夕折杖各分去無情潮  
到難爲啼聽君微談動四壁倪公新詩在小冊匡廬水瀑鴈蕩  
澌五洩奇觀走辟易只今天下多風塵明州山水清絕倫褰帷  
帶星亦間暇蘭漿桂楫搖青春老翁西去洞庭水不著此涎吊  
屈子不死還來此中游櫻團竹杖報知己

讀李寶弓詩

李賀顧况杳不作琳宮銀管雕寂寞雲間使君翻新聲小語龍

啼元鶴驚與君隔離未得面雷車局邊閃赤電燒煤破凍鈔君  
詩不知右手如枯枝九梁弄珠滄海奪朽儒失精那得活天青  
莽莽愁無才此人何處橫飛來剗麈屠鳳謝上帝斯文幸未委  
平地百鈞舉鼎千石弓安能鼻頭爭斤風

將出大滌辭諸山靈兼別諸友

十年三過大滌山折杖荷鋤未閉關疇昔相知各相看孤雲野  
鳥紛躋攀道小不足當伐樹時平猶敢舒頽顏古人作客不及  
顧血踵窮奔去如鶩十里一報健督郵三更猶卜神含霧豈如  
今日遭明良夷猶江風及雲杜辛壬兩載翻青春金鷄夜語聞  
雲屯陷淖馬深不得去每煩明詔畏纍臣咫尺日光睹一線喜  
與羣賢得晤面勉扶病足經崎嶇不忍道身出鶴箭可憐朱李  
生衰朝安閒牖下棲顛腰東岱南衡不得到又將魂魄依洞霄



我今別爾去湘水千頃烟波浸蘭芷橫雲迴鴈七十峰不知何  
峰勝於此

出大滌將復泝江西上別姚有僕並爲明春勸駕

瑤花不趁春風吹鳳羽不爭上林枝五色雲霞各有託驂騮奪  
水騰清池古今獻書上紫闕幾人拂衣坐明發天子十使催酒  
家山中三旬薦薇蕨男兒得意不肯翔覽輝往往迴清光躊躇  
山中看天下救時肯繫行周詳澹泊明心得吾素審括欲似千  
鈞弩何當熱火隨路人聊且裁衣近芳杜彈君琴開君書越溪  
美人行覓嫁夷光安肯輕登車灑君車秣君馬球圖自合在廟  
廊虎兕何須問中野龐公有子能負薪黃石無家看避秦明良  
魚水各自奮功成長揖還臣鄰然後與我談高真

古長歌贈別林六長再入虞山

君不見虞山錢牧齋盤桓丘壑生雲雷譬之古柏千白丈羣鶴  
眾鵲爭徘徊大枝偃蹇託華棟小枝磊砢支高臺去年吾友劉  
漁仲雪柱水車話寤夢一言契以黃金千明月之珠坐相送今  
年吾甥朱伯懃下床答拜哀甥存每道漳江無死理仰天灑酒  
行逡巡昨日又見林六長賈孟新詩被欣賞短歌贈別百餘字  
字字爲我開悲愴文章有道交有神木門柳下皆路人史遷中  
身已破綻杜甫晚歲多酸辛幸有牧齋得相識詞林先輩同太  
息珊瑚鐵網玻璃心吞血相看未化碧爲君取酒爲君歌錦帆  
往往蒙青蓑冬衣吉貝夏衣荷蓴鱸適意知誰多歸語虞山酌  
山阿虞山亦柰蒼生何

憇一枝菴有作

從大滌出禹航復僦舟而上搖漾之間諸友尙以筆腕



相役慨然深意如魏挺之劉安世皆以作字潦草爲深  
恥僕旣垂老謝雕蟲之技廿餘年矣射御無名釣弋寡  
致猶且未忘筆墨時弄柔翰作少年伎倆是不可恥孰  
可恥也解纜憇一枝菴值錢去非作觀作書歌以是例  
觀當比於公孫大娘矣撫心慙焉因索筆再識數韻猶  
解醒以酒也

索靖王羲俱高識圓方妙詣義文畫生晚不及軒農時坐爲墨  
兵眞可惜少年兩臂攜竹弓每獲狐兔雙雌雄擲刀空中接日  
月收尖入鞞間從容猶憶當時十六七庭下狡獬鑿白石小者  
猶稱四十觔每弄三巡方就食自云神明天所交唯餘筋骨還  
親胞三十焚書及筆硯追猿攝鼠登松巢偶爾投封謁天子拂  
巾抱册稱停史龜手欲斷探銀叉眼光漸細如元蟻栖遲倏忽

二十年臂柔筋弱牽蠶眠丹經赤緯苦不効坐今豺虎還窺邊  
戊寅九月謝神武  
提戈撼東土白日嘔血登秦觀恨不以  
血膏蠶鼓辛巳二月羈北門桐魚纓帶愁批根豫楚諸藩半墜  
覆恨不四體贖王孫祇今餘生胃崖壑欲翔不翔行葉落顧視  
髀肉能幾何竹刀刺魚苦不屬古人聞道唯蘧生開口不肯談  
碁經前後出關十數載卒以舒卷完其名其次讀書唯樂正下  
堂足瘳猶自病先人遺體不忍傷曾閱徽音遠相映感此沾襟  
殊縱橫迴軫此御生淒愴豈有園葵未衛足能使禾木迴春陽  
造物勸人但元牝風雷鐘磬各深省金屑著眼眼不開懷璧當  
曾起禍阱少年不學空多才魯戈夸杖生悲哀子蘭斬向亦賢  
者不許驥足侵氛埃勸人讀書但靜坐坐看青團青箇箇崇虛  
道士舞鸞羣鐵限門中尖飯裹便從張筠手指揮略看石竺言



希微乾狂坤簡已如此屠龍咒虎將安歸停君歌輟吾手長庚  
一星臨二酉白鷺不鬪還當烹銅駝自在人知否恨不生當義  
農前爲君一畫銷杯酒未脫雕蟲仍老醜合爲俚神噉雙肘千  
春萬春傳庸朽

武林溪上辭別曹木上時復微吟以當鐵遂也

曹郎抱奇抑鬱久不開况我亦銜鶴箭相徘徊乾坤眼耳坐蔽  
塞古人心舌交摧積慙無扛鼎拔山力使君啗指垂嚙膝慙非  
通臂白猿精受君劍術辭書生天下岱華已破碎男兒脩書下  
中饋萬卷低頭師白丁神龍仰首望鱗鬣君今送我臨大江白  
衣白冠還蓬窓人生窮約不足道要使龍象齊心降不然彈琴  
陋巷堅閉戶倘有孔顏白日開寐寤安能與眾貍虎爭清路

過靈隱寺

壬午四月十五日移病過靈隱時雙足未瘥逢陳彥升  
太史翁呂宗孟長民諸孝廉勸余試步遂至飛來諸峰  
之巔偶爾迅筆使僮奴歌之足供撫掌也

箴圍不避山鬼妬又向風雷覓雲路放電跂足投青谿攢尾猶  
罌崩崖樹操蛇錯怪人移山陰霾欲封九豹關賴爾相知有筇  
竹明子額外逢生還愁猿怨鶴與誰說誓墓辭家悔不決阿游  
浪作補檻師轅生自創擊莖訣可憐虎兕橫滄洲擇人磨齒長  
搖頭將軍不遍拜御史丞相似欲兼通侯天下高明有綺季蚤  
向赤松稱弟子商山未必有紫芝嵩陽倘可寄石髓十城百城  
寶尊足魯國王駘未躑躅要從杖履明殊恩不使青鞋坐寂寞  
牽船到岸逢良朋問誰飛來飛未曾蓬瀛處處有翻覆不獨兩  
翻慙騫騰殺吾良馬焚吾車斬君鬚孤藏君書江左夷吾久不



見蒼生愁我更何如去年欲往華山道今年華山鞠茂草去年  
欲往二室游今年二室成荒丘紺殿朱闈豈牢固青苔白骨生  
朝暮安得杖頭常百錢一日百局消萬年四壁畫山不可到啞  
蟬斷蚓發悲操高不採首陽之薇卑不隱釣魚之磯春菜荊冠  
夏荷衣鱸魚不瘦鱸不肥三湘濯足洞庭歸九疑峰峰知是非  
幸得不死相因依買家湖西師桃椎出門看山山不違安知此  
身殊飛飛

癸未六月江東送王豐功北上公車

焦桐山中神仙窟百尺屏風青瑣骨投壺拔劍安足云要使台  
鴈精魂奪主人十年營此山不得片瓦棲其間一朝諸賢肯卜  
築蒼松翠篠齊牽攀豐功於我最親切乍向此山輒話別豈有  
熊豹驚淹留抑爲麟鸞獲神烈世間豪傑如牛毛曾無半組繫  
鷹條兩年十月復六月黃鬢長鬣爭河槽孝廉之舟孝廉馬一  
去一來千金瀉道傍防寇與防兵龍驪或出豺狼下安得同心  
六千人桓桓呵雪生青春舉袂揚風播萬里頓使四海無飛塵  
他時坐我焦桐石秋蟬一彈酒一滴但云天子真聖德長嘯悠  
然湖海碧

讀三山林守一漳帖因述筆識之

三山韻人古有數國初十子已難遇盛明作者林宮端奇逸無  
過鄭膳部邇來矯筆紛如林葉公曹公渾清深幔亭在杭各雄  
麗猶與王李爭呻吟葉公當年擅條暢眼中頗有董崇相豈知  
僑胼歸諸生啟秀披華更迺上董公宗連董漢橋近體朗秀如  
笙簫於中最喜林守一玉軫嶧桐細金膝守一爲詩多新聲芬  
芳華耀鏘璆鳴婉嫵每出珠翠外劍氣恰與琴書平迂儒見此



發殘趣如獵山水破章句芙蓉大鵬臨長江固宜有此與之遇  
吾生不樂鬪百艸中年割詩如割藁吳兒往往輕聞音恨不移  
情上珠島島中千竅穿魚龍素濤拍穴摧洪鐘平塘篙師每欲  
哭十日擁鼻捫膾曾今年還山見諸子頗亦開喉道此理大東  
雲漢與崧商決不爲人惱纖指海內作者今雲茶誰當吉甫芮  
良夫石倉選詩二百卷卷明眸放蔥倩定欲一語傾人城何  
處千金露五面白沙定山亦賢者生當盛時振大雅遇其灑發  
無纖埃不在關雎鵲巢下二雅變終起陳檜繫袖翹歌漸荒昧  
呻猿驚鵠無安徽安得沈沈見其大陟彼高丘眺遠海手掬明  
沙洗塊磊與君上下高駝迴臥然若華炤千載定心廣志澹中  
央離立經嶽表四方微言朗咏生清商蛟螭踞視鸞鳳翔風雷  
峯歛神不傷夷夔歛跡生幽房區區諸子安敢當

甲申春閱紀石青广史焦書系之以詩

大白山中探靈芝天台澗傍拾瑤草芝堂已盡不復生稂莠逢  
逢塞田道與君帶鎌行荷鋤平分百畝耘苗蔬休龍歇象二人  
俱既成黍稷搏明精雲門之笙咸池鼓束芻飲牛隨牛舞竈頭  
一握聞鸞聲居然天格親天語還將糠粃燒黃精烏頭紫蓼白  
茯苓退馘去鼓浸一世籬間鷄狗餐杜蘅此時益君長顏色經  
旬不餐坐亦得廣心定志胃氣香臥看廚兒煮白石神明嗜好  
知何常各以適口爲馨香瓊茅之菹旣蕭索且與惡草齊烹釀  
合眼相君得仙骨餐服備非人間物不知周孔開賓筵果有龍  
鱗佐清醞與人攜手遊人家撒飯不肯爲丹砂冬甯之酒清明  
茶平頭雀髓煎胡麻榴皮數行誑穉子金薤四垂洞里耳韋編  
竹簡青黏書乃不如今之毫紙當年帝臣使鬼哭畏有異人生



斷樸天地破碎星辰翻遂以風雲亂雨粟還君使還君經還君  
澹莫稱先醒和平簡至神鬼聽蒼茫千古留石青不與世界爭  
標星

偶說易象正寄朱康流

康流看我讀易四十年畫圖十二萬餘言箇箇鏡背參璣璇此  
意得無非偶然明興二百七十五細與姬秬分鐘鼓幽平燧絕  
歸洛中漚澗東西龜食土十二圖中皆云云玉麟吐書排蒼口  
仰思待旦申慙慙要與達者搜真文二十年來四百友無人啟  
關享敝帚但道排箕如藏鬪不知此象明於斗康流看我還山  
纔三春幾人紫闥盤丹輪扶桑一夜摧爲薪野老未肯吐玉麟  
試取從頭一參玩後來幾箇河圖半要知吾學有所云不作醉  
盤坐空爍

陳獻可來梁山數月矣寂處一室無外物之交猶賈長頭  
從首陽下游也又當板蕩猿雀沙蟲不知所化梁山距  
繡水尚三千餘里彈鋏過關或謂腰下有物則當解衣  
刺舟柁何纍笈搜書使行者指其竹乘乎往時長安貴  
人見僕爲文章必語人曰作速持去無所用此令暴貴  
人仍作前語吾知獻可竹乘之穩也感今懷昔不覺泫  
然率筆冗音聊當灑別云

鷓夷不死生計踈胥眼未懸國仍許南屏北斗如棲苴蟋蟀當  
春聽鐘簾讀書至此將何爲黍離麥秀空生悲中山兔毫輕於  
泉不及朱亥袖中椎晉唐帝居亦蕩析未有天子死社稷遺弓  
帶血哀蒼生但恨諸臣盡巾幗諸臣剖心誰與明昆岡烈火燒  
瓊瑛豈有百人同殉難而無一介懷忠貞多寶閣前玉屨屨福



華編頭勒名字都門欲破爭跳身狗竇藏頭得深利長鬢肥體  
稱重臣尖弁皂衣橫北鄰白日開門放豺虎遂使螻蟻緣龍鱗  
嗚呼人臣致身託袞斧安忍偷生負明主天高閣遠雲霧重夫  
人無子蓀愁苦永嘉世界紛諸王宣和皇帝花石綱千秋亦云  
無失德况爾宵旰憂元黃蘿圖將窮赤字短鳳巢翻風亦毀卵  
恨無微力支不周曾史居然謝肅管與君深談八九年仰覆指  
掌明蒼天銅駝金狄何所識見爾沒草殊流連載馳之詩屬女  
子多少丈夫不肯理江濱泥滓鈍牛蹄馬前囊空無三矢西顧  
襄郢東淮淝士言安石知是非與君畫圖二十四指點神倪得  
幽闕華山道士安且眠成都下簾辭取錢麟足仍可追日躔行  
人何必愁下泉

熊遜木言別急筆慰之

遜木孤生何太奇鷓鴣破巢啼早枝風刀雨箭刮毛髓雖有五  
柔誰能知憶昔丹丘初韶少大鐘細磬鳴清妙琅玕結實不肯  
餐欲向帝前振微嘯須臾阿閣翻波濤梧桐百尺摧蓬蒿岸谷  
滄桑不轉盼海鳥落羽紛如毛嗚呼爾生何不蚤桃花楊花亦  
耐老不見擊鼓吹馮夷但見呼風捲秋草我欲談此中已悲安  
能曲折爲君詩男兒努力開須眉風霾何處無晴時莫作酸皺  
女子爲

寄建昌張恭錫太守

恭錫之守建昌也甚得民和上下賴之癸未臘月流寇  
陷袁州臨吉震賊湖東諸郡盡聞風霍益府林於鳴鏑  
亟謀利遷恭錫斷鞅卻車留王不得王徑出居邵武舉  
國騷然恭錫晝夜拊綏閱月乃定盜賊消弭乃勸王歸



國古云疾風知勁草如恭錫可障迴瀾矣因爲長詩歌以紀之

建昌太守何貞堅手支崩崖挽百川楚波欲捲鄱陽船一夜十起人安眠臨吉盱虔本無寇麻姑草木自奔驟但云帝子不可留金根束轅如束轂太守拔刀留王車閉門不肯歌虛徐以璧睨柱欲碎首自視何如藺相如帝子潛行適異國太守開門安反側城頭裹飯夜授衣隴上芸鋤不改色移時水落石亦平溢江湖口微深清啟箋迎王歸王城不用浼水湔刀兵十宗諸王十六府玉葉金枝委如土豈有守令稱長城但見龍纒戰刀狙建昌王孫安且匱隕雨不絕還經星當市豺狼旣不見鷄犬入巷梳舊翎太守上殿稱無功稽首帝力歸文宗神明護持安可同流涕四海猶飛蓬安得更如賢守數輩支江東

微吟當長嘯八章

甲申六月初二日

爲龍莫噉大江魚爲虎莫嚙空山鼠魚鼠已盡江山空枯槎反根含秋風君不見建甯熹平廿餘載天下健者歸菹醢又不見元符淳祐時黨人來摸端禮碑前車已覆後車看後人又發前人歎火雲燒天海水竭龍虎自噉元黃血插刀入山不可拔空使壯士嘖白髮

多寶閣前掩畫卷偃月堂頭賦紈扇蟋蟀開籠不敢啼丞相抱頤藏鷄棲唐朝舞馬識生面奮啼不上兒殿丞相何爲朝不餐短衣露踝稱飢寒兩卒夾草銜木丸悔不剖腹納龍肝溲泔淚河長沈瀾

君不見袁公橫燒朱雀門無髻男子纏羝根又不見海仙欲上石頭道官家往往稱甘草沙蟲猿鶴安足猜星辰經日生飛灰



世間幾箇爲君死，下壺稽紹李。若水明朝頓有六，十人冰城雪窖行。青春年少書生何足論，眼光白晝開青燐。

烏臺使者驄馬蹄，黃金如山青玉犀。爲官兩載已太久，恨不繫印如銅斗。千箱秦蜀萬烏貂，平頭騎馬花驪驕。起第連雲欲侵漢，一縣腴田得大半。烏臺風力真可憐，安得此官常百年。漢鼎雖移周祏改，斷不移田爲滄海。新銜直指又西臺，蒙面藝鬢描青灰。去年此日猶茂才，芒鞋草衣穿蒿萊。如何不死今人哀。杜陵老翁走蹙蹙，不與鄭虔共摧秣。拾遺偃蹇爲幕賓，從此坎塹終其身。正統初年水東老，拔刺又上長安道。曾無一字迎鸞輿，至今人說葉少保。男兒身世如彈丸，脫手便做自家官。瀉水出瓶復何物，不取黃金鑄馬骨。嘉肥到處稱天山，歸人灑酒欣生還。油車青蓋朱酡顏，柵門東西不敢關。拾遺少保交團樂，日

夜開籠看白鷗

中婦罷啼出門去，不得迴頭顧鍼縷。拔刀堪曾何所爲，御溝落花東西歸。可憐不嫁又不死，蛾眉青鬢爲誰理。東家少婦初入門，薇香砂粉沾輕脣。稱身白寶行逡巡，中夜下床難具論。玉釵垂垂改頭面，錦字銀牌看不見。去年簾前雙舞燕，今歲春來斷紅線。可惜朱絃不掛箭，空使鄰媪淚如霰。

縣官養兵苦無錢，募人捐助常悲漣。富子潛家移海邊，一邑月餉須二千。貧兒四壁枯魚懸，朝餐上城不敢眠。松明無脂當夜燃，研桑黃金不鮮分。籌揚沙空垂涎君，不見賊中新迴諸。長老啄肉人羣鷹，腹飽羨金不得攜。歸家餘錢猶塞長干道。

莫舉義旗義旗之舉何太難，雲錦爲面珊瑚竿。百鈞之錙千金之盤，乳虎居其下。飛猱集其端，執手欲戰責育寒。義旗之舉何



黃澤清集卷三十一  
太難雷沙搏霄神鬼彈拔華跳河水樹闌臂何以當足何以安  
馬服負書廉公罷餐騎劫題封而驅田單義旗之舉何太難高  
不與猛虎整冠卑不與猥豕拔鞍勇不與屠兒登壇智不與塞  
兒呼攢甯戚飯牛未遇齊桓元德無家傍惶曹瞞劉琨羈旅棲  
依匹磾宗澤暮年空希謝安淮流欲枯江流倒瀾義旗之舉何  
太難

山中偶書示何義兆二章

芙蓉憩匣澹於泉谿子不得常張弦鍊金久知塊羅綿神龜文  
猶五銖錢有道則細細則傳至人往往師枯蟬癡龍舐黍洞中  
眠戲珠墜雲空蜿蜒天目老松鐵少年不與眾華爭標鮮仲尼  
已誇綠圖肩猶爲聃翁輕後鞭

天陰老姥避雲隙手攜神簡八九百亦有下廚舂作役自稱身  
是麒麟客勘人道心與道力眼如日盤金甕碧籠以麻衣人不  
識恭桑敬梓思無數玻瓈心胸畏白石夏陽冬陰行踟躕不敢  
履影開蟲蟄猶恐上帝除神籍薄薄春冰銜丹日安能與人爭  
繩墨

予旣渡胥江何義兆曹木上送至嚴灘書此爲別并寫雙  
臺八松以識分手同志觀者聊用發笑也

烏龍山空溪水碧桐廬江寒隱蒼石溪翁敲魚鳴竹柵鷓鴣穿  
波出如織崖前削壁成高臺三分垂踵何危哉猿猱不到古藤  
絕亦有履齒銜莓苔鳥墜魚驚風色緊天下無山可高隱蘿裳  
荔帶荷葉冠白日文螭化蚯蚓何君曹君來何從畫圖翻風銷  
澤中客星夜寒炙螢火豈有威焰生征蓬古人送客不百里君  
今渡江又到此夫子已識趙河津乃翁不在吳門市我歸作炭



與春傭眼前四壁成孤峰鸞鳳無聲失長嘯有時厭竹棲危松  
從此辭君各千載故園門前千尺海海中竦島千高駝記得投  
竿雙膝在

癸未春率爾偶作并示諸同人

東郭先生久寂寞牽蘿葺戶塞漏屋圍牆一半青珊瑚破瓦穿  
籬墜脩竹當時弟子坐談經白晝肉翅生雲青鳳凰山頭數飛  
舞荔風橘雨開酪醒倏忽於今三十載黃金鑄成付滄海明珠  
撒飯不復施元冠數毀籜冠在廣成已老無崆峒藐姑山化爲  
窮桑三秀六英不可食髯燕不肯巢蒿梁行人笑指龐公宅將  
軍樹前罍襪縱無郗館棲千間可少盧門敲圓席先生強顏  
無復慙絳字朱闥吾不堪少年祇想樺皮屋孽葦安敢纏華簪  
提筐拾椹採朱草金谷蘭亭那得保平泉百載更三家洛陽名

園又何道去年擬買屈原潭今年欲結遠公庵頻年碌鹿無一  
可白髮垂耳空鬢鬚諸君相期各千歲五百中身講進退一半  
納足坐簫中一半抽鋒出天外腰間差池三百年始得貼坐稱  
團圓柔絲訥賜榕樹前猶恐辨力難安眠只今四海輟蕘棟安  
用束車突陋巷蝸封蝨厦爭昂低岡梧尚有鶯鶯棲哀毛宛宛  
垂桃谿諸君負才各千尺勿復拔檀理鷄柵東華嶺上自留松  
孔明廟前自灑柏詩書今已出破壁勿使精恠鏘金石東郭依  
然坐虛白

爲倪子新子封兄弟題卷

龍宮欲頽海水舞陽侯踏足破鼉鼓烏王番腹不肯飛素虬淵  
宮失道路崇禎末年天下空始以司農歸倪公五尺白麻闕如  
寶欲剪桑纒爲青銅倪公赴召初出時手無寸鐵批熊羆三日



五召十起草身如不周爲天支未經百日已中變蟬螻橫天日  
色亂章華臺上多眉鬢不與暴蕪講同貫須臾賊至開城門倪  
公號宮排天闔九關虎豹穿狸羣多鬚暴公翻傾盆盜賊亦猶  
有涇渭忠臣之家不敢毀柳燦已死懸藁街希烈摧劬弄傀儡  
反几昇遍城南門與人乞食稱皇恩 賊雛俱唾罵此人安  
得操天鈞倪公當年纔五十珊瑚骨髓金壺汁開眸電發聲清  
商天子自謂已不及若令初至發璣衡簡除文武搜精英命將  
討賊收名城四方援師集都下十庫藏金散物價卽無鎮惡與  
牢之亦有老种張叔夜倪公旣退脩經書廷臣徒食武陵餘武  
陵糞珍爲上供遂使廝養稱中樞觀軍尖頭看鎖鑰賣國偷家  
何不樂空令吾友騰英魂上帝殿頭歎矍鑠何不生當堯舜時  
拍肩坐諷臬陶詩何不生當宏治與萬曆坐展湖山爲紙筆生

張巡死蘇軾少真卿老長吉千秋有手明霹靂安敢爲公坐太  
息

又書似子新兄弟兼似獻汝二章

崑崙山頭湧星海不因蒲洗泥淳丹丘威鳥生文雛不與孔  
鷄爭山膚宇宙精靈倪少保落英隕葉生瓊草况有庭訓兼異  
聞過子邁子安足云一日從子下宛委眼光碧捲銀河水試爲  
揆筆呼千峰華頂欲攤秦觀東子新吐鋒欲削玉蛟螭趨風折  
其角子封巖然如斷山桂樹喬森不可攀但能一語破千鐵飯  
喫珊瑚如喫雪少保遺徽今不忘茯苓琥珀生芬芳唯有當年  
三尺劍悲龍銜水失光焰男兒豈必誅樓蘭鞞鞞往往成天壇  
稷下老翁笑飛菟駃騠初生跳其父方今四海未安波熊羆性  
粗豺狼多應龍斂身蕉與梭案頭焚香柰若何



倪公有弟亦清淑與吾穿雲嘯翠竹一日成詩三十章恨不起  
公與之讀買舟不裹鴟夷皮掉頭不顧光與施床頭老易註百  
遍鞭轡迴縈誰得知自言有園三四畝呼童製筍與縛帚竈間  
湧鯉供慈堂尚有餘魚給朋友天下噍噍羣盜毛鷓鴣束身生  
青膏會稽百里千重濠馮夷簫鼓娛畫橈六龍不來虎不嘑烹  
鷄作黍焚烏號十年成詩一百卷更能圍棋三萬遭

率爾答孫孟璞

孫孟璞好古負奇何卓犖早年投我詩百篇百篇語語稱絕作  
當時婁江太史未登壇君已馭鸞駕鶴呼羣鸞數年望爾欲飛  
去胡爲廓落仍儒冠崎嶇相逢二十載鼻額蝸頭遍滄海壺峰  
象蟻橫囓人當日交遊今安在瓊河一夜摧爲薪銀河列宿成  
飛塵豈有書生勝天子而能百寶護衣巾湖海樵漁各洒洒泉

羽無才失風雅不能保箭登雲臺何必媛姝坐人下閉君門  
君戶閨仙東野未必過四千詩得四箇萬戶侯何必更與京兆  
馬頭橫道路

騶虞行二章

飢不噉騶虞肉寒不割騶虞皮白文黑章安足奇上天自有清  
明粲瑤臺穆然盤陸離元豹胎濡白熊脂小臣生不服蝥蛙骨  
骼瘦削如枯崖安足侑君之尊蠡老麟失足東方道忽逢虎兕  
伏秋草抱書掩袂胡以爲古今豈有不食人能肥昔也來已遲  
今也來已蚤揮刀削脯爲君禱古今豈有不食人能老騶虞仰  
首語沾臆聃耳史官但歎息吾生八百二十有餘年不見虎兕  
腸胃獨安全

渴莫勸騶虞酒凍莫覆騶虞被騶虞聞腥白日醉騶虞温存干



日寐階前十耦射騶虞蒼茫不見騶虞意人言仁獸合有靈攢  
簇不聞騶虞聲世上分明惡白黑不合君身自體別西園駁馬  
交鷗文朝食杜蘅莫芳蓀圖形尺寸栖金門行者不敢傷微言  
爲君鑄金鎮屋角十行龍種關白目射鳥小兒來掀脣昨日爲  
吾承抽軸落落騶虞安足論

散歌板橋溪中

先年我栖元雷山君欲從我局元關買山直住白土嶺一里二  
里相盤還今年從我探高穴禹航溪深不得發孤舟常繫大亭  
邊與君臥處又一月問君家世居姚江先賢講德稱無雙四海  
荷種至千里一行經笈翻車幢未至會稽已十舍劉公章公久  
親炙天下名碩推二公何必更佳元雷之山下元雷山中多新  
書十字五字如樓直安知宛委不吞吐早晚寶笈間蟾蜍當時

山中語諸子但說晦翁與伯紀兩公豈是兩朝人遂與南宋北  
宋相終始老來作客易生哀與公復登越王臺越王不是大禹  
之苗裔安能屈折興起而王哉買輕舟乘安流湘湖尾鑑湖頭  
千浦百澗勞幽求掛書漁竿棲白鷗胡笳無聲羌笛收不談興  
衰空悠悠元雷山白土嶺禹王破舟越王井此中無復神奇書  
青舫無風白晝整不須更向湖州去一日取醉千日醒

題畫龍贈盧司徒

君不見文明之世龍在田祥雲組織平如川飛塵不動碧空懸  
倏然宛轉窺宏淵秦家有龍見二疇漢家有龍見成紀當時野  
戰皆元黃文明之世雷如此邇來紫氣光相調習習融風生不  
周蒼茫海色淡千頃歷錄皇輿騫九旂厥有靈公稱名佐萬里  
甘霖來咳唾波濤萬掌鯨吞聲桑田已化龍能臥自昔華駟曷



足倫六淵倒挽登天門須臾一手揮霹靂未鱗猶可支崑崙已  
掃蒙朧開清靈攢抗拜俯辭上帝頷間明月照寒秋馮夷簫鼓  
趨江濤君不見仙都東頭百尺潭朝朝鬱起烟如藍甲光照夜  
天爲曙錯落琉花手可探今我圖歌歌德普五色相從誰不曙  
墨池欲起百丈身珠簾便捲三山雨三山雨百丈身恍惚龍來  
如有神世人好龍不好真真龍蜿蜒參大人龍今願我借顏色  
願借龍劍驅蛇虺世間未必無真龍倘使黃螭翠龍翼

躍龍行

神龍偃蹇蟠重淵乃不在田不在天紫拂鬢髻皆縷玉火齊鱗  
甲如連錢須臾鼓翅三山捲曷不在田不在天天上白榆枯河  
漢螫蟲血戰皆黃元阿香無靈上帝怒不如偃蹇蟠重淵君不  
見巨鼇戴首都郡仙欲舒一脚神爲鞭又不見龍伯燒香灼子

骨罰來百尺空房踧鳥王有喙詎橫海豫且之網能彌川龍今  
爲舞余爲歌遲疑回首龍無然鯤魚未化棲六月波光共擊橫  
三千嗚呼爾龍何必在田復在天

醉中放歌似仲純永基子甫

墨蹟崇禎二年五月醉中  
迅筆俟劉魚公至舉質之

月明碧空隱少微文章巔傍銷光輝仲尼旣死游夏沒紛華毒  
腊刊道肥荀卿案頭出督責董生帳下籠是非吾門豈無好弟  
子據木覆水當從誰濟南李生蚤結社茂榛兒子跪床下解劍  
遂爲不解仇宋閔齊昏坐笑罵劉生亦愛魏秀才高引何李開  
塵埃華采不復成翟雉萬言一旦分鹽灰窮達限人旣如此春  
蘭秋蕙孰爲理潭潭涉夥不復云何況當時從父子日南鳳鳥  
冠金卮銜魚眾鳥填溟池鳩喙鳶肩各婉約窈脚鬼眼誰雄雌  
自是吾才不服眾不關騏驥難爲用仲繇拔虎逐巖間閔冉輟



書來牖上鳥圖不至亦已矣化胡無術枉藏史偕來人眾何足  
疑五千文繁尹何喜北山王子隱土窟三丈函間各安穴向栩  
竈頭三尺版不知磔狗誰爲血吾門諸生成聖賢杜家兩郎稱  
峩然不獨添樹顛崖裏亦能畫帝當象先乃翁杜老亦蕭散雖  
貧不貧肆璀璨蟬頭吸露來當餐青石煮精各加飯杜陵老甫  
卽噉名亦無嘉名豐其生荒妻穉兒覓釣渚那有炎海當涼城  
君生漳城故麗地車轍不出開元寺有時曝背南榮間僣佞安  
期皆下吏草鞋門限皆鐵爲安知門前人食錐醒中索詩千不  
爲醉後疾書如風鏗世人相皮皮無肥安知仲純永基皮如嘶  
風之枯騅公自跋天下有兩仲醇陳仲醇已登薦剡媿未有能  
舉杜兄者書此俟吾家孝翼至必有舉大白浮我者

中緩聲歌

日月之傍居者難日傍已炎月已寒煮水吐火吾不敢安能斫  
桂燒丹山麒麟足長兔足短兔走已急烏走緩風力夢人安所  
歸廣成老若風力患崆峒一丘高幾何南溟水淺膠漁蓑屠狗  
牧羊旣敗興首陽薇蕨橫嵯峨嗚呼生兒隻手不能迴天地便  
當對人斷臂雪中取舍利臨河發歎胡爲哉豈有獨絃長過市  
圖鳥眼胸亦寥廓不爲抱橋結遲速蓬瀛變翻鱗羽來蒼黃猶  
未改梧竹馬箠朝楚暮稱王歌啼獵飲誰當狂膠目薰衣各相  
信豈必舉袂明東方學道無成仍落拓鷗鳥玩人肆諧謔吾徒  
出處如天鷄欲啼不啼皆廣樂明時七聖愼車塵未聞灼艾薰  
賢人猥賤騎龜不騎馬那復知人在馬下但云摧融能爲山不  
復知山何處安終南自遵海自舞鵬鳥吹笙鯨擊鼓殺君馱馱  
贈君飯男兒何事不能斷大行不肯避樵蘇大行已頑神已愚  
授君鑪頭爛白石不補青天補白日雙虹蜿蜒輕如烟誤人無



著珊瑚鞭約君騎魚走滄海莫持虹首橫上天

蜚遜篇

蜚遜先生千古人盛時不肯耀苞鱗其志似欲渺天下圭組安敢纓其身中年著書二百萬一萬明璫爲一卷此道已奪天所攄豈復荃宰得貴賤出門往往思焚車樂葛不忍橫遽廬岱華弟兄苦相勸勉爲猿鶴謀趨起昌啟之文始迴軫獨決冥鴻謝高隼不三四載行者傷始歎先生悟遜引卽今天子揆幽賢爲君龍尾張華筵薦書兩吏舉始上其如版築倦高眠斗魁去天天半尺宰相非爲不相識寸劄不遣賣菜傳以足扣舷如木石去年開山初種松今年開梅遠百重去年鑿泉初得洞今年洞尻連高峰眞文不爲諛墓起百錢分給六丁使捫蘿臨寫岫嶺碑殺青悔貴洛陽紙古文諒如先生稀不<sub>元</sub>不素輕時師豈有

雄名遍四海而能歛足局巖巖當時平交十百輩蘭膏強半失百戴龍鮮鴨脯分魚羹祇有菰葦得自在天明眼開能幾何銀潢白晝生橫波先生傲然意甚適不知石鼓殊銅駝常言麟鸞下阿閣何異鷄豕就圈牧山中之秀開朱英忽欲下山賣舊屋郡吏時逢林薄間且勿賣屋依空山婚嫁遲多藍輦小高人何必皆商顏從容與君畫兩壁百二十人相對膝中間尙容一兩人剖肝取髓爲君食稽生太儁孫太孤子明太板中山愚宏景太仙說太釋戴公可有聲伎無尋常卜翁張有道戲作咸頭發一笑遜者不肥肥不飛古今罕有通其妙昨日清談清且諧此門一杜安可開敦煌長者無餘財尙爲郎官何爲哉先生於我稱牙期交三十年今始知不敢更說文與詩世人噉官如噉蔗留滯周南得漫罵我應獨坐張公下



倪晉源年伯八袞賀以古風

以下從別本大  
滌函書補遺

聞河桂子遶枝纏何知明鏡當天懸元夷真人探宛委秦觀帝  
子思飛騫不如我翁沸丹粒羞與香社爭開蓮滿堂玉筍恣蘭  
茁編籬銀管成珠簾自有新詩來解鼎況逢榮榭舊曝衿行路  
合知驄馬貴抱關安識青牛元坐使瘡痕出九地豈有故舊呼  
二天兩岸不知秋水漲花溪猶作秦人傳

觀徐霞客紀遊急就草

崇禎庚午二月霞客攜小舟追余至丹陽感念昔日萬  
里造膝今復依然得陳夙諾爲之道故不覺盈篇

天下駿馬騎不得風髻雪尾走白日天下畸人癖愛山負鐙瀉  
汗煮白石江陰徐君杖履雄自表五嶽之霞客爲肩鶴體雙瞳  
青汗漫相期屢不失事親至孝猶遠遊欲乞琅玕解夜織萬里

看余墓下棲擔囊脫屣驚鳥啼入門吹燈但歎息五年服闋猶  
麻屨貴人驛騎不肯受掉頭畢願還扶藜自言蚤歲適鴈蕩絕  
藤級縷還下上天台石梁平如堦青霞括蒼白於掌中年復走  
西鍾山焦飯十日支霜盤道逢採藥授雲餐帝子欲爲歌路難  
匡廬老僧亦下拜鷄足道人分沈瀝磨頭豆覈石泉茶夜中日  
出嘯滄海聽君言下何蕭然引人拔嶺捫青天所探幽奇旣如  
此豈有人嶽當君憐東魯仲尼去千歲西羌大禹死何在書生  
抱鄰空伊唔卽化喬松安足賴去年先輩繆西谿起草授楊天  
下疑精神已上蕩烏兔未有人識其端倪何況操蛇窟穴底千  
山爲貌隱千水乃欲搜剔窮真靈不畏巉巖不避死世間兩物  
惟鼎劔燒海剗山與涼燄少年學道須及時簪紱累人孤書詩  
當時諸公歎鶴唳悔不從君煨蹲鴟卽今關門散百一醫巫吹



角愁銅狄蒼崖黃雀不可尋邊臣灑血逃故迹君猶跋涉從東  
來兩頭不突生飛灰城郭比人更柔脆田春史義安在哉男兒  
不仙必良將驅龍凌波破蕩漾挽河洗甲天下清安能對鏡坐  
相向中身潦倒爲時人牽船引纜傷路塵轡弓聞虎行逡巡寂  
寂寞實過冬春何不還家酬所親聽君罪語當採真跂足北窓  
箕穎濱而必棲棲搜此身

又示呂漢憲

敬靜兩字已七分尚有三分在何所讀書不破聖賢關不知聖  
賢作何語周公思坐待旦仲尼發憤忘寒暑此中豈有硬慮  
者如彼書生尋細緒卽如四情未發時亦無氣象可標舉當知  
篤信好古中確口窮盡至命處如此纔有著實功不墜頑空與  
虛所若於此處參三分用舍春風吾與女

偶筆似爾房兄丈並示諸同人

从自書  
卷增

東郭先生久寂寞牽蘿葺戶塞漏屋圍牆一半青珊瑚破瓦穿  
籬墜脩竹當時弟子坐談經白晝肉翅生雲青鳳凰山頭數飛  
舞荔風橘雨開酪醒倏忽於今付滄海明珠撒飯不復施元冠  
數毀簪冠在廣成已老無崆峒藐姑山化爲窮桑三秀六英不  
可食髯燕不可巢高梁行人笑指龐公宅將軍樹前呈襪襪縱  
無郝館棲干間可少盧門歆圓席先生強顏無復慙絳字朱闥  
吾不堪少年祇想樺皮屋孽葦安用纏華簪提筐拾椹採朱艸  
金谷蘭亭那得保平泉百載更三家洛陽名園又何道去年擬  
買屈平潭今年欲結遠公菴頻年碌鹿無一可白髮垂耳君鬢  
鬢諸君相期各千歲五百中身講進退一半納足坐筓中一半  
抽鋒出天外腰間差池三百年始得貼坐稱團圓柔絲訥賜榕



樹前猶恐辨力難安眠祇今四海輟夢棟安用來車突陋巷蝸  
封蛟厦爭昂低岡梧尚有鶯鶴樓衰色宛宛垂桃谿諸君負才  
各千尺勿復拔檀理雞栖東華嶺上自留松孔明廟前自麗栢  
詩書今已出破壁勿使精壯鏘金石東郭依然生虛白

九言古詩

書示汪爾陶

我欲與君汎濫觀百川我欲與君升降繩萬年我欲與君鎮坐  
明窓前我欲與君納足元霧巔我欲與君開眼消晴烟我欲與  
君發辨懸飛泉我欲與君結舌忘話言義農上頭詩書皆不傳  
鴻濛以往日月猶高懸秦人銷除文章猶安然麈尾毛羽不在  
雕畫邊鷗青鵠素各自飛上天炎涼安能侵我北斗權且莫笑  
人尙白與尙元我欲與君極深而研幾道德門中不與分後先

九言六句

林間放鶴看野老畫圖花外小車記先生棲逸於今從樵子拔  
劍梳翎有時向浮家翻身擲筆安能偏處乞壤石桃栽更要去  
菴溪買田種橘







將北征復還過江小慰膝下

孺子已言邁遠行胡遽歸指勞應自動心戰詎能肥舍窄綢繆  
少身羸涕淚稀皇途正努力衰鬢也光輝

郊居卽事十章

新庭非騎絕荒草舊來齊扳石支崩戶塞蔬煮杖藜桃生初斷  
徑藥盡不開畦自昔貧病相逢正在泥  
以彼辭近市因之得遠山暮潮通窈窕平樹隱巒蠻不盡連雲  
起貪看小日閒吾廬非足戀爽氣故相關  
淨几明朝景空牀叩暮糧灌園頻出井侵雨數憐牆刻什酬書  
累因時識稻香貧居常避客不得指清狂  
逆旅行猶可如公公自愚向人稱地主入戶慰江湖野色照書  
白春星對坐孤一心湛僻靜若爲久逃遁

幽谷多山鬼出城官役驕皂衣嚴宿鷺白馬急征鷓板削通氓  
籍修貧愧聖朝文及如可執吾已事嫖姚

展書聊復爾無金欲廢之元言眞連屋白板數支頤道以千秋  
誤名從一日疑等閒今日老勿事問鬚眉

野叟稱同舍悲歌雅爲聞殘香時乞火買徑約通耘遠水澆花  
合橫烟對戶分故家深絕處鹿豕舊成羣

車馬非吾羨令人憶所交斯文輕韋素生計泣塵茅土梗窮相  
問雲松老自巢誰云甘寂寞猶且辨譏嘲

相逢無載酒逐畔且談經知少竈爲病才窮合有靈飲牛千水  
濁如鳳一山清對此常來往誅茅更築亭

是亦青門道人傳已種瓜晨雲開萬樹落日隱千家海步懸高  
入鄉書得便加板輿非滅跡不用擬龍蛇



徙居東皋四章

削迹驅人甚微名愧鳳歌沉將大陸去坐奈小山何滄海清猶  
淺橫江晚復波夷方千餘國所限一居多  
黃河天上隔故里地中懸儼舍如奴貴逃傭識輩賢親朋捐薄  
餉病娣乞餘錢白壁成癡絕問人葉翳蟬  
攜家依城郭不合古人書入乘羞鳧鴈避風託爰居登樓非亂  
後迷路豈秦餘自愧因時俗旁皇欲負鉏  
橫流何所止一葦今安之雪急鴻來日月明烏上時褰裳畏遠  
道滅火爲寒炊對此權相守猶言甚別離

寄答徐庭漢

文字難療俗聲名不蔽身雨滋四壁潤月照一園貧編髮巢窮  
鳥落毛委餓麟牆中風土瘠仲子故爲親

偶作一章

入門故寥寂馬首何微營抱橐宜貧仕焚書滅世情不才如可  
老無學早還嬰中夜聞高詠慚爲洛下生  
橐筆今無暇開樽在此亭花鬢幾日落雲顛一朝清人世當場  
創仙方何處經去談付魚鳥知有未曾聽

送韓道人四章

三松祇一鹿鹿耳今何長坐聽濤聲盡遠聞松子香布地爲雲  
母驅山起石羊無言不死藥明月自相將  
石髓開垂後桃流輕別時畫圖容易布踪跡幾人知坐客稱無  
忌靈威人不疑吾師韓夫子阿眾亦吾師  
句漏非無令蕭條爾自君丹砂忙不就廣樂靜他聞小夜來青  
鳥深秋鎖白雲世閒高枕處巨室滿氤氳



虛舟不到壑野鳥樂空山雲氣出頭老仙人生性頑五千宗字  
久七百恥毛班天下無丹穴逢人扳宅還

寄劉魚仲兼呈麟威雨玉諸賢一章

蓬藁何可久諸子且分帷未雪各先別及寒誰得知葉彫園外  
盡經覆甕頭垂牆屋能無害勞勞風雨思  
海色青無際人言萬里殊共拚爲野鶴空問一啼烏世事棲弧  
矢文心委釣屠數年黔突處應得幾時孤

偶成八章

人情貴逸豫物外卽滄洲其奈人間世難從物外遊鶴歸松子  
老雲澹琪花秋惟有畫梁燕呢喃春序留  
家園故厯海踪跡復稱瀛豈有壺中籍不離島上行笙歌隨鳥  
散水氣逐鞭生賴爾從先進猶言未礙情

幽居湛水鏡內照見纖毫道以有名累心爲著物勞雲光翔海  
勢月色動江濤不識空山外霜鐘日幾遭

世人愁不暇吾暇已愁多屢有搜尋意其如神理何書塵掃復  
落名海靜仍波已語周藏史虛無枉下過

宇宙此同室能云久不關懸知出世法卽似在山閒河水千秋  
直流雲幾日閑繫思如采鳥盡向夢中刪

扶杖昔云好登樓我未從人間雖躋地島上亦因風燕雀吟新  
宅魚龍辨故宮扁舟無限意高浪隔雲中

百年何足遠天地老閒居清淺紫泥水漂搖白石閭陳公不遣  
使宏景自修書試上中層望已知列缺疎

此地不卜築亦有巢松陰問岑識樓勢凭欄見道心潮音帆過  
岸白日鳥投林應笑垂綸者低頭加素簪



偶坐二章

去海汝何遠相將幾日鷗紆期交一葦小坐得虛舟屨響青紗  
夜鷺飛白苧秋焚荷如不盡客至尙淹留

落日映江廣微風閒幔開弄珠神女去裂笛老翁來清唱一谿  
棹元言小坐杯無人憶空闊鶴跡久徘徊

同吳廣真劉漁仲集千公行壇用謝公韻二章

屐齒何賴石蘚坐相侵洗耳頻逢淖搔頭悔值淋難辭猿鶴  
侶閒愁滄海深羊裘怪行徑谷口罷招尋  
春氣爲誰好蒼茫兩岸懸懷人烟樹外探覈高松顛不之無  
趣漸翻考老年何能南北渚相對榻穿前

開春信州車徒未發乃遊南巖寄勒壁上四章

此地猶未鑿依然太古屏雲根翻鳥翮泉眼落鷺翎半月涵檀  
暈斷虹罨畫軒恨無十畝宅別與創孤亭

見似武夷喜何須鬼谷幽簷扉關紫府象緯近青邱禮斗臺將  
落藏書篋未抽更尋棲絕處碧澗水簾頭

剔谷不辭險摻竒已及排松盟消素飯雲聽識青鞋塵事一朝  
歇異人終日懷誰能鍼石癖吾亦字乖產

所到每遺趣疑生有漏天移家看鳥度斷壑想猿連水脈江湖  
底花名漢魏前自憐青瘦在企足欲爲肩

偕張紹和遊南巖

不識碧鷄寺今題青鳥宮古人皆不死此意與誰同急羽猶戀  
壑危雲倦寄籠何時堅著膝透壁坐巖中

初夏晦日同諸友集無擇堂九章

艱危餘此日不易得同人杖履如知命杯樽亦有神半郊千里



意一飯百朋親且勿談文事尋常語義真

最可緬懷處無如窓几時柳衰成不惠橘聖老歸夷厯落留松  
臥韶華去鳥知誰能穿此榻永矢未爲癡

燈前容故我林下此書生不復知年分從誰識姓名天窮猶有  
宅道契卽爲兄就此焚藍輦空庭展齒輕

寂坐危天步朋來聞鳥聲田居多樂事小隱更深情雨洗眾山  
翠風翔片葉輕平生不留滯薄飲亦須傾

生聊不遠離地古人難將雨修芒屨先秋製籜冠一身干的  
斷萬壑半杯安調笑諸君子行當畏老官

黨人今所諱眾妙尙能來除此狂休學更無慙可猜新交添乳  
虎荒畝得殘醅入世無多法爲鴻莫浪哀

何處不空闊鳥魚知己來草消鐘鼎業苔剩燧巢才避地因推

濕安心到劫灰茶瓜舊禮樂尙爲故人開

未嘗愁雀選頗亦畏孤松白意歸朋酒元心結老農山花容容

載石榻許雲封但不稱幽說猶聞縣寺鐘

開帆今正好莫說舊征車世路茶洋似人才櫻葉疎韶年神物  
助快事風雲儲展齒空山外聊看破敵書

### 援琴示諸知己四章

丁卯八月恭聞聖作時在制方踰年未敢言咏戊辰八

月淡墨已除甫親筆研感今傷昔欲寫茫然未成音節

聊復寤思用告素交未忘夙業云爾

日出通元始波澄已一年書翻稽古後詩斷援琴前鳳至孤臣

願烏連窮子憐半生蕨薇頌不到首山緣

至刻本詩  
舛作出

小鳥勞天地巢若繫好風銜恩如夜獨顧影與人同客夢三家



市兒啼半百翁不知古道士若個保山中  
親在不能養遯荒安用肥殘生除雪窖遠志突愁圍鵲印頑隨  
石荔香柔上衣晴空閒送目刷羽向誰歸  
蟄居成隔世泰運惘前生老此已云足對人殊未明芝口招鳥  
耨瓜圃倩牛耕夜諷伐檀詠何端報九京

同諸生出墓側談經分命四章各證所說

往哲亦條暢為誰發憤來百年銷無盡白日去仍回絲竹經龍  
火星辰出芋灰此閒難寢食稽首憶周才  
上蓋少年盡之無老始通已隨人偏坻那得反鴻濛吹垢元轅  
力疏流大禹功料知前輩意不為晚航空

毫素託心淺幽元入夢疎自天能假我知爾亦愁予水底摸銘  
鶴空中註漆書未應蒼白髮盡作五衣魚五一作王

成市經師少為梁老子疲酬書還夙債好道總孤兒半壑鬼鄰  
叫絕糧烏夜知因思生下恨不及未生時

對客揮鋤漫成四作

嬾藉休明庇癡懷窮劣憂丹砂未得合竹實豈宜秋撒飯供山  
鳥緘書囑海鷗石田能幾熟絕倒為車籌  
儘有難鋤事未嘗荷篠閒無由弔白鳥何草媚青山堆葉封雲  
蛻鍊霜駐菊顏虛騰靈隱籍下上少微閒  
負薪猶不任何以稱山居恃有灌園性銷無機事書道滲鹿乳  
遠交射馬蹄疎常怪蹈空者未忘半束蔬  
食力寶餘健園公傲老師經春不漑竹側徑已成糜領意自然  
草消陰平等暮看人如馬足近有炭夫知

答諸勸駕者兼石工更理廬下四章



勸駕煩親友荷鐮信老萊文章行嚼蠟匡濟坐談梅小隱亦成  
趣長門何足材因思焚墓草未忍負蒼苔

漁父舊家夥備春新比鄰得時猶不駕耽臥詎關貧蟲咽綏山  
飯蠶分蓬海塵桃桑今正好奈可自爲春

簑衣雅皓髮及屋陋元冠獨處吾何懼同游人所難裴徊大鳥  
跡落莫小山看願取拔前宅辭它白玉棺

灑掃猶人事翦除安敢奢但存一室意已覆萬容家麥燕開春  
幕荔蜂局晚衙未須凌倒景相對論浮槎

料理三易稍已從緒約僧樗年尋其涯際夜拈八章

天地久元莫殷勤付古賢千春容道盡白日不教言龜著江河  
下精靈俎豆前分明木舌做猶是結繩年

有韻聞天樂無言顯道威日中懸玉尺星界動金徽已織自然

采因裁帝者衣不知思慮表誰與證同歸

仰坐愁弟子高堅苦後生一朝新夢寐垂老屈精誠衣帶銀河

水蘿圖赤玉衡莫言蒲席裏團結得分明

得後乃還定定前百慮憧眼光牛背上石髓硬泥中交膝歸名

母掉頭謝法空請看雞唱外別是一番風空一作宮

藥樹覆天下上池洞一方未嘗更毒手安敢定醫皇春至魚龍

擾霜高草木涼箇中分毫髮不得語汪洋

朝聞何遽早歸說不蜉蝣探岱還金策量沙去海籌電光明暈

日精氣射濤頭勿以蘧廬舍翻爲王客遊

愛惡平風雨無端溷列星疾留燈炙火遲速岸移輪鬼哭晝前

開魚啼晚後青未應疑負墜萬里坐冷澌

義農行不遠復坐已更端季札遲歸魯仲尼初製冠朱明陽德



盛赤帝幅員寬何處無爲法能分擊壤歡

崧陽厯匡廬至羅浮有書云將東上至武夷遲久不果聞

新春已還抵家爲慰四章

造化惜才老山靈借客看露荷新製服雲籜已更冠吾道欣時

泰松盟忍暫寒一翻風雨過贏得碧嶙峋

非遯那遊癖不窮安得詩荻花村婦臥鍊杖遠僧期鴻眼各千

里鷓啼又一時欲裁五色賦半是採山芝

知爾行未倦遲予思欲焦新糧除白石舊路返青霄元昊畏人

問丹魂許自招夜闌說寤夢蘧榻此鵬鷁

五嶽云通好潛行盡百年魚腮長撥棹鶴背自粘天已辨機中

石休看岸上船何時更雀躍拊髀盧敖前

中秋攜家人出銅海翫月有作命諸子姓屬和三章

浮雲明月過開興祇斯須鳥影看無動花魂行自蘇鶴還因露

警人倦值雞呼杯子扁舟小將誰狎五湖

海色青天地風根靜羽毛練空不冑席銀漢坐容舸萬里見秋

葉孤罇散暮濤無端陳廣樂魚鳥自深高

清時容釣弋海大見安流白露彌無際伊人何所求長鯨吹浪

去疊鬣掛帆浮忍憶廿年事蘆花半上頭

將出山寄別海外諸友三章

蒿目談舟楫摧肝感蓼莪祥風猶惱樹望海未恬波一爲移文

累其如遠志何長貧吾自可擔世使愁多

不戰固能勝吾和終耐焚野人猶讓席班鷺詎堪羣石髮露前

白濤香松外聞此聞王子宅摻隱未須薰

鶴別久非久物殊知不知因風來禦寇擊鼓任馮夷莫唱丁都



護猶歌楊叛兒征途難寄佩努力藝江籬

周中丞棺至不及走問入漳值已建祠致拜肅然四章

沉痛江山骨昭回雲漢恩青蠅賓客盡石馬規摹存雜木憐華表二招反夏門欲裁南史簡揮涕誦遺言

棟折人何賴霜寒天亦瘳一朝停相杵萬里禁焚山素旄懸日月流光蕩草菅居然見冠蓋白日與生還

崑炎能幾日玉價復如茲明月有銷魄精光無盡時諸生論德行天下致齋祠陋矣當陽事生埋墮淚碑

直道逢昭典九原多德鄰一時同燼者千古不灰人龍馬初圖象豺狼已化塵未須舊銓令引紉到江濱一作終

發郵過南巖因偕紹和鋤山再闢兩洞信宿乃去四章

逋客畏官舍離家仍鑿山泉心看物破雲踵置人間黔突隨征

鳥空巢託掩關長安塵礫熾誰共寫潺湲

餘興足穿竇著人山眼中行隨世笨鈍斲與石玲瓏採葛聞樵子避兵傳老翁不知小蛇徑能與幾谿通

人事有宣晦英靈亦喟然纔消幾兩屐已證半千緣苔碣摸天水藥窠準穉川疑將湧塔意諷作買山篇

吾竟萬松嶺君營七首巖收除依竹馬去任祝長鑱品水分僧寄飛花共鳥銜差池能幾許江上禮歸帆

出漳關攜別煙叔公植君鼎勗之改邑義民伯玉次仲及諸親串兼示浦中諸友四章

鄰舍昔登極輕輶今屬家偕來吾已眾虛往爾何涯野竹垂閒釣江梅覩冷花生憎移勒處芳草未抽芽

物性愛奇采衣冠憐遠遊諒無絲竹意莫散白雲秋彌海鯤鯢



怒縫天藥石柔未償版築債長繫北山頭

逸鳥依雲樹勞船聽舶風祇應孤掌出愧與眾人同襍被依嵐

外圖書寄蠹中半生何草草容易別秋菘依一作信

離親不著仕此意已徒然問景隨庭柱負舟落化權道當車轍

誤人被馬蛇憐未絕衫裾在強顏對昔賢問一作向

錦田道中逢蔣若柳使還抵里欣然話舊四章

細雨鄉關道霏然燕雪時征鏤當朔氣歸節暖南枝鴻掌沙閒

合螺魂天上知頻年干顆意忙向隴頭枝

契闊昔同舍差池今後塵知君先視草如我未知津俗駕慙山

鬼訐謔笑路人應原葵藿性不為趕花春

天下盡齋馬伊誰愛俸錢祇餘明月夢長繫聖人前瀉水煤閒

活催花窖底燃無多風雨意難得一牀迎煤一作海

久約百函少離途半路多梅鬚銜凍落蕉鬚入冰皤客作子雲  
難人如安石何誰當名海裏交手斷驚波

至三山聞已破遵化薄都下旅人戒途多相挽者詩以

示之六章

多難啓興主分憂表賤臣不因王事棘廩厭小山貧嘶馬向風

直啼烏當午馴征鞍行一據干勿語鱸蓴

此足已云出撫身安所歸當絲不著劔觸地誰能飛發憤輕班

管含辛著綵衣高堂人尙在吾蚤局柴扉

日出攝羣動拼飛能幾時王仁須蠹甲天大失驕兒隼護三秋

翻人焚六月詩前籌如可借應不鄙毛錐攝一作折

旂常何足貴心血倘難平宵旰勞明王行藏卹小生風番天作

色候至鳥先鳴能賦題新草陽春首北征



豈不畏家累其如行色何支離將馬勒舒卷未漁簑急湍容舟  
上濃雲許鴈過此時思葆旅日夕撫雕戈  
平生寡調適擇地未能安井竈馮妻子桑蓬射肺肝偶成一匣  
水不畏九霄寒舞羽馮吾老從容賦考槃

至建安知

浸中畿南諸縣羽檄徵師驛道蕭然乃汰

家從獨自攜孥出關四章

十道何旁午天南征路長屯營空塞下突騎斷漁陽烏棘羽毛  
緩時多風雨忙極知新膽意難與細人嘗難一作誰  
左計棄遼廣撤垣過十年兒因坐大罇俎且安然壯士睨冰  
戲居人厝火眠能無少年涕欲發聖明前  
櫺具行相笑籛蔭祿所親空眩驚月出遺矢射雲陳馬寺金錢  
盡驛途資斧頻低回顧江水何處見安鱗

一蠱失羣色孤雲生野心座中賓客盡夢裏星辰深裘馬真無  
賴蒯緱思不禁歸鴻分噉處日送亦蕭森

崇安踰嶺始乃見雪四章

見雪辭閩嶠分谿別楚流孤臣天末鳥行徑隴頭舟少賤棄繻  
事窮愚衝凍游蒼杉亞石竹簞釣傲山叟

引棹遲何日尋梅總未應許身輕一羽恣意蹈層冰樵父雲中  
徑漁郎月下嘗此閒商臘政團火坐張燈

飄忽爾能事逡巡行欲消蚌灰榮纂葉石髓上枯條野竹翻絲  
網窮簷倒玉簫家山青刺刺宜隱為誰招

北雪勝南雨家人啼笑并滑蹄依馬戶暝色斷颺腥喜見一峯  
出揣知明月晴驛廚椒酒盡奔走負園丁日一作月

迫除過車盤邸舍已壞晨趨鉛山二章



歲事已殘臘征途初發朝烏寒啼破屋松老傲層霄報子淮陽  
斷 薊北驕盤餐吾豈敢天地一鷓鴣

野曠難逃雨官閒愧有家君恩宜匹馬物理各浮槎灑掃林宗  
宅週遭韓伯車料多羣怨鶴端爲出林鴉宜一作多

信州逢鄭太史王給諫各遣家還里惘然示內二章

風濤何詎惡簫鼓且中流物望蒼生在京華紫氣稠懸家猶旅  
鴈四壁亦孤舟不復堪回首隨人聽鶻鷂  
出關雖不遠萬里已三分別我依明月從誰掃白雲旄頭霜氣  
盡楯鼻香焚約取支磯石銀河秋夜殷

建德溪中探邸報不至繫纜數日因登兩高諸峯四章

臥雪久無徑浮家輕到春夢中隨白鴈水底弄青蘋野老不知  
漢書生空過秦關心唯北望何處最嶙峋

已盡探梅策難逢使者車何當爲怪鳥但坐未焚魚六尺撫牀  
劔千金覓驛書道南如有宅吾不愛吾廬

巖城自古在檣馬恒茸茸碧草暗天外青眉皺鏡中江神懷楮  
靜舟子著篙同日暮烹魚熟無因寄北風

窓櫺常廢屐造次憶依筇臨廁情猶動騎危力未慵澗泉銷伏  
毒雲碓答愁春萬里車塵澀尼人春酒濃

登釣臺久之過溪弔謝臯羽三章

狂客狂刺骨青山青入眉璜書前不試香餌晚難肥買菜半天  
下投戈盡布衣牛牢當日在割席坐魚磯

垂釣絲千尺懸崖足二分崆峒天子降箕頰古人聞子夜煩星  
緯清秋誤白雲蕭騷結襪意潦倒盡夫君夫一作東

騷賦尊江渚清時祖首陽千春薇蕨盡九畹蕙蘭香遇王達人



傲無君賢者傷臨流發浩慨文采未能忘

元夕泊桐君山主人攜酒與桐君對酌三章

上古不著姓幽居何所營文身先化俗賣藥已逃秦老李見前輩長桑託後生當時慙七聖應不駐襄城

巢父初巢樹壺公未隱壺何曾知讓國那復見垂圖木石傳家乘衣冠溷老儒懸知應物色此意古人無木一作水

繡谷連春水鳴琴對此君赤松看未就黃石語難聞野竹青無礙汀鷗白不羣殷勤燈火裏三歎爲邊氛

從桐廬東北徑上三十里得閬洞洞訶牙足觀上下奇石

南出范鐘洞水不及閬而石皆嵌空散布坳谷還出閬

洞東北隴外得龍湫龍湫外無奇石還下山憩聞家庄

石復奇伏閒出似閬洞上下四章

造化藐人巧開場壓物華重簷飛屈竦懸乳絡流霞羽客初辭

宅乖龍舊徙家此閒難著棹慎勿闕桃花落一作絡

幽人不獨往隱洞故相連翠戶扃朱竹青谿沸素絃饑鷹齊化石卵鵠坐穿天借得此山住無須買酒錢

嶺上千尋壑云通八月潮素虬春不動頰鯉夜堪招繫組愁窺

井驅鞭怯度橋未煩牛渚照遲我坐秋宵

隨家成窟宅舊姓總衣冠客子尋常問巾車雞犬看開園通地肺鑿溜射龍肝生世無多願雲巢深處安

臨安聞良固失守四帥俱劾又有檄止十道師行人次且

爲之慨然四章

突豕已逾月腥風何屢翻守雌奄眾志飛牡動關門庶士蛙螳怒文人鶯鸛論盈庭多劒鳥孺子不煩言煩一作須



阿柄清於洗巖關非不雄窮 橫毀積太史失吹銅野曠無謀  
處人多有逸風可憐鄂杜裏烽火照齋宮

柎髀思良宰請纓想僕姑干城置兔事敵國豢牛徒祭食千鳥  
下稱師一士無看誰猿臂在結髮欲當奴

虎旅成何事魚書未可停微盧千國遠鐘鼓一朝靈魏絳言無  
驗衛嬰想不甯吹篴長嘯好中夜與誰聽

劉庶常與鷗用左司馬從戎歲暮躡敵出永平諸鎮援絕  
遂畢命城下詩以弔之四章

援枹非若事感慨爲誰生世作中軍好君當左轂鳴臘空橫水  
戍春散猶劉兵柱下甯無死千秋頌結纓若一作苦

食祿恥辭難安知綸羽疎風雲看造次龍隼失虛徐一旅鼓聲  
絕三藩言笑狙麟圖翻墨淚終不負詩書

孤竹詎絕塞侍郎未貴人遲無吾客俱空使爾官殉曹沫猶有  
母要離已棄身悠悠成敗事不易向時陳

載筆敢流涕酬恩不有躬素餐君子恥舍命古人同一滴文章  
血干山草木風何須題露布擁樹論戎功

吳門過陳明卿逢園梅盛開四章

開園君迺蚤簇徑已干霄隔榭聞香樹修廊接畫橋公孫初愛  
客達者舊逃堯肯信小山好無須大隱招

梅邨舊日契桃夏古時宮夾竹去天咫栽花到月中新書都市  
遍餘興野人通魚鳥此閒貴閒關誦國風

昔愛養生論今披樂志篇開將三畝徑消得百弓田梅水移雲  
閣茶烟辨釣船香塵壓白雪花下雨茫然

企足北窓下差肩太古時來熏通廣樂逸想澹蓬池借我已云



眾外人那得知能容十日住拋卻上林枝

從虎墅西入元墓過光福寺二十里皆梅花同林浴元信

宿散步山麓四章

一本梅花下有開卷二字

鄧蔚山陰道清芬竟日聞瑤花容結佩鷗鳥動聯羣引棹來衝雪牽舟誤入雲欲題千匹練寄與洞庭君

素緣不可失編袂况當春負爾青鞋價償他白玉塵湖光平到展鶴意到窺人數尺橫茅屋蕭然願比鄰

野僻車塵靜杖筇事事幽鐘催鴈影落鳩乳石衣撈留偈題新寺移花壓小舟主人勝酒力未解鷓鴣裘

世事各成客春風亦偶然約宦過千石翻詩輟百篇梅海青松傲官山籃輦妍何期更買艇西載兩高烟

毘陵見峯陽在家四章

見爾居然在歡呼動四鄰人中餘鬼樸藥裏護禪神日月回青眼雲雷洗直臣幾番鱗羽絕凝睇瘴江濱

五年未足夢陵谷已頻更賣卜酒家熟支牀雞骨生關心當日事別貌舊時聲曲折難談盡銀燈子夜清

造次昔堂下棲遲今後園江湖除宿諾花竹接歸魂舊事翻林鶴新詩惱夜猿長安春水遠擊楫與誰論

浪迹九州小安巢一葉多桃梅依序在風雨奈人何選石留雲住支亭放鶴過思君常耿耿白苧委青蘿

將渡江聞都門戒嚴驛騎留滯乃單車就道寄孛鄭園四

章

世事已如此古風誰與期夏蟲猶北戶越鳥自南枝藉草馮無恙澆花畏可離相看投合處動底不時宜



通客輕他日愁猿直到今未完松墓次空瀉柳江潯反壁古人  
事披裘公子心不因風物緊安識翠堂深  
無物累天子將家託友生離羣鴈影切刷羽鶴身輕一劍行藏  
在孤帆心事明渡江哀樂論拚付蚤啼鶯  
閉戶吾猶可衝塵爲底忙牛衣還少婦烏道向維桑家計真萍  
梗江流託葦航登堂多禮數千古愧孫郎

至儀真低徊數日還向毘陵召家北上四章

一孳不能擊推車欲向誰人應慙曳尾雞自憚爲犧萬里行將  
半中宵念所私極知衡泌好徽軫動清颺  
江流橫到海小渚曲通舟自領孤雲去誰當春草秋離笳生劔  
鞞朗月上刀頭有道人狂未成蕩子游  
似我世情少其如人理何因風皆歷亂此樹自婆娑虎兕率真

性芙蓉橫暮波餘生宜負戴不合遠山阿

楚相何曾慕怪人車轍深忘憂辭背草遠志動衣碓旅鳥猶安  
次定猿各在林丈夫不膽智襍被數經心

平原道中

疲去偏誰似癡成自不知嘶風來虎兕趕水上鷓鴣雪破梅開  
後烟消鳥沒時含啼看僕子塵土合鬚眉

八都知在灤永援師遲散未集京營挑選不具諸帥顧  
望無建斷後之策者再疏將上輟而稱詩十一章

阿泉蒙穢久焦獲與誰鄰未斷盧龍塞竟無射虎人雲霓天外  
雨渤碣望中塵六郡良家子春風散白蘋

十箭相銜處將軍不出師非因子健安識棘門戲曳地甲光  
夜橫磨劔盡時但云鐘鼓在神采鬱靈旗



中國非無技熙時重養威人來經戰苦官過擁金肥寇老翻爲  
主暈深不合圍時聽烏鳥語客醉欲東歸  
東關二百二谷口密於纍壯士化甘草家人覓苦桃條鞭新賦  
盡加派舊書勞盡日華楊畔馮誰誦董逃  
白馬烏桓道令支突騎來書生非不武債帥安能材乘障狄山  
恥誓書張孟哀誰當千里骨令殺築金臺  
營平行築舍興屬漏儲胥不寄小匡令難談大度書江南地赤  
後關外草青初齋室勞明王辛勤問出車  
左顧閉關易開西斷臂難居然棄木葉何以塞泥丸寇至不知  
部歸尙說汗東方十萬騎未可溺儒冠  
四犯嘉平事獸蹄異日深往來蛇豕徑厯落魚羊陰北塞猶穿  
脇東榆直到心幽營堯禹蹟不敢貢於今

騎雖風雨棲遲亦半年忙中展齒盡定後角弓懸馬邑單于  
智龜茲使者賢皇途天網闊偏許隻輪旋

外患豈方楚叅餘惡決藩蛇狼章不建龍虎事空存江漢今如  
此芑薇安可言莫將白面計輕向聖人論

畧約三征策從容萬秣中不資文景業猶懋鼎封功泉府分曹  
寄人才異代同何當徒仰屋浩歎爲非熊

天蹶起人鐸非關帷幄猖參旗連外井魁柄自中央絃鼓三春  
雨弓雕六月霜星威但軼蕩極楚靖扶桑

入都纔踰月又當典試出浙江家人愴然欲辭不可聊示  
行色四章

伏暑首行役息肩能幾時興從遠道淺人附一官疲肅肅鳥開  
羽搖搖風動枝嚮來文社後魚鱸細於絲



雨候山雲出花時野鳥喧虛舟隨夜泊委帶任風翻世事難孤  
往賢勞誰與論看人準漏箭排比上期門  
王程非敢憚秋色况明河採菊辭梧葉爲松割女蘿家人逢箭  
筈塞馬辨笳歌細憶從戎疏居然別意多  
隱德不成醉文心聊與青步檐看半月東楚論三星天上勞支  
石風前慰聚萍怪當鬧熱處吾每坐鈴屨  
南行自滕陽至彭城皆苦潦人馬日行淖中四章  
澤國信龍使鴻涯生鳥心車中木耳出劔底水夜深乘橈半千  
里曝書永日陰其魚猶不惡微禹亦開襟  
禾黍早秋熱京原行不枯居人摸蚌贏騶子貌鵝鵠齊水新開  
蕩河流未并湖私憐胼胝者端的聖賢徒  
檣櫓江南至陂隄涵遠暉漕源天不斷克濟水西歸野闊見人

少鴻多傍客飛爲誰來往驟白露望中稀  
天馬雖西極銀河未果看坐來風雨暈親過斗牛端霸水渾王  
色文星澹史官此生知博望貫月爲車竿  
闈中後院雙檜蠹天鷗啼甚急下有毒井上無雜花攬卷  
之餘裴徊十步遂成义手八章  
清角翔元鶴舒荷出總龜形聲無著處魂采欲傳誰繁指閒中  
合白心雅易知琪花千種色塵雨斷絲絲  
化圃憐秋實黃金貴落英未關羯鼓開勿促翦刀爭屑翠收松  
粉和笙拂鷺纓此閒有妙樂不爲理新聲  
簫韶真有道石磬豈能神虞帝總靈手后夔亦可人千秋推一  
足明月轉重輪越父能同調無勞問泗濱  
廢瑟和虛室清音上浚波此言熟在耳神理定云何函蓋吸天



細機關馮候多餘閒時一歎吾合舉笑科

天杼不改色河涼織女勤上章猶著繪風賦筆花熏四海想衣

被半生足聽聞為慙絺綌質何以貢夫君夫一作夫

從時吾不創雲氣出山川變俗談何易文心信地天無人繩鳥

道有物守魚釜老去思初學丹鉛陋昔年本一作本

月徑四時好江門終古青前朝開講殿今夕坐翻經柅榜國風

盡潮音大雅聽此邦多雋傑未敢踞先醒踞一作踞

夢藥誰當試鑿山苦未能摻將諸藥品呼使眾山鷹明眼四窓

淨夜光百本蒸畫圖看不到才鬼莫生憎

還自滁陽至宿州久雨初霽人馬又行淖中僅可一舍六

章

鱸鱖風情少茨菰雨色來征夫長不暇磨蟻幾番回書笈人生

累螺鈴天下哀幸為選士者愁憶老鄒枚

續食公家盡饋漿郵傳稀王人猶一士行旅况單衣櫟厯馬前

鳥突梯車後屏誰當載白屋攬轡弄絃徽

最怒邊場馬多辛嶺外人但穿風雨度已動鬼神嗔僕子棕衣

重縹緗油瓦親明時無足畏脫屣近雲津

淖泥何所昉端緒為輪蹶避蝼觀人樂奪飽試少啼巖中拔足

穩岸上住船迷幡捷東家子依然烏夜栖

熟道難奔走新谿有往還誰能停勃窣以俟騁安閒烏智箴人

滑薪勞惜物慳現前銘劔閣祇在兩輪閒

生平無識事負墜祗長裾直踞一番則已傾兩度車枕中金格

碎方外玉函疎最刺高人意都亭李固書

恩澤詩八章



典試浙還逢神宗寶錄成恭進與勞惶悚有詠

隆長聞有道恭默想殷年太古鳳圖後千秋麟鼎前梯航來絕域磬鼓臥安邊載筆微臣晚猶能記舊編

雲物喜晴書文章欣盛時書生能奮筆閣老閒稱詩白黑分鹽虎救甯屬寶龜遺賢收不盡風議亦人師

嶽瀆分條簡橫波綱目鬆刑書雖始作武坐竟從容帶髮隨人好衣冠對士恭何曾展冬日頓足爲低春

羲陽隱列曜郎位自依烏鱗俎存華老廉隅與士夫封章平瑣入筆札及時需如水看同舍無囊粟亦蘇

融山不鑄劍悟道小垂龕楛矢磨長白胭脂繁老 流泉通日表貢貝盡天南墳典成何許能書謝史儋

罔寺饒青草邊鹽中白金貴人能按劍縣令亦投簪疋馬行天

下三旬克鬼陰况當遼海外飲醴碧蹄深

玉戚何須劇朱絃三歎殷無爲天比大有倬漢成文日永羣公

暇風徐百卉醺笙歌萬里出垂白不知軍

覆載無遺憾平傾能幾何千花隨月夾萬竅與雲和出野收珠

繭因山採玉禾丹書二百本中夜足悲歌

七豐詩

豐言勿憂猶言憂也

雲幄蔽天地餘蘇寄電光星星看雨意旆旆想龍翔一線神靈在  
三旬鬼火妨何期擎白日振臂上東方

玉女不成配露公別所私習風能好合薄露有交期焦尾蒼生盡  
關心赤帝知惠然猶一笑霜雪未相欺

斗柄不當日猶然萬物依陰光雖曖躔陽德自精微納約開天  
牖縈絲解社圍禺中人寤早烏兔共清暉



薄餽偶然耳微熒安敢晶用牲良已過伐鼓乍停聲奔走小臣  
事憂勤天子名旁皇筋力在九折不勝情  
六尺兩環道難齊二曜交合傷天委數無恙聖開苞消息容餘  
悟虧流語未譏明時何所諱雲雨自西郊  
化穀不停瞬終風數改圖一行經盪蕩萬里失模糊白日還明  
鏡青天絡素珠夢中回轉倮童叟共歡呼  
廟祝畏人老鳳輝攬盛年看多曝濯事莫近桑榆天鬼瞰因鴟  
目麟傷惜馬鞭神工能早奮百道射虞淵

七旅詩

反豐為旅  
故多親寡

適人宜女子涉遠貴貞夫行露良多懼惠風難與俱文章歌倚  
市冠劍鳥投筴繆想塹垓外無因寄藐姑

卷蛤已多事仙書良足猜鵬巢依汗漫麟駕倦徂徠習禮斧連

樹拘閑火上臺五千言瑣瑣專為客懷開

墨翟幾函粟孟輿數鎰金雖汗洗耳業未負披裘心白苧存遺

帶青桑想盍簪人生無好友多遣世塵侵幾一作九

牧豕焚上苑箋書隕下樓元知容再世噫氣亦千秋道豈竈塵

熱文非車馬留條然何所喪檣纜共虛舟

破斧東方日觀風上國時身家箕斗別心事雲雷知達者存無

累通人貫不疑古今稱快處頭緒曲於絲

林宗不受爵叔度亦之京浪蕩翻魚沫山空放鳥鳴西箕子

國東海魯連生英采居然在微文安足爭

幕水懷務子蒼淵想北人一言不愜意萬里斷親鄰忍詢辭羣

后緘書訪道民應知無別恨草草亦情真

封事再覆連四十日材窮知短退而微哦豈有後言聊當



引慝八章

白日出無事天雞空欲啼青雲久不住陽鳥自卑棲世道隻身  
在人倫千眼齊微塵生逸足何處著鏡鏡

匏瓜吾豈敢鹿豕我能羣不合看經史無端聾聽聞竹疎葭葉  
醉檀老皂香焚早識因時達幡然異所云

國子已成鑄祁奚未駕車但須論藥佩何必誦詩書鳥意輸公  
治物情重子虛迂儒無慧舌枯對玉蟾蜍

擊彘慙轅固來吳愧鄧公白頭人不告青鳥信難通側理生魚  
網直心寄兔罝一行食下箸化作幾釣弓

三語豈成掾五噫行就尊平生雞不鬪造次馬能言名教著身  
累自然酬客煩香膏銷未盡長禮九霄恩

高蓋除青髮華言長後矛非關津筏累徒卜火山巢清水容人

唾和絃問王膠夜來魚鱸意不待秋風教

贖人甯識面報主不爲官交淺精誠薄天高道路難千金輕赤

子烈火蹈衣冠畏著履儒眼排將劍客看

立品苦不早聞狂有諱心呂梁行已度江畔老能吟諂子嗤當

日餓夫稱到今未應回嶺望自改帝簫音

過香山碧雲寺

十年慳一到萬里况開緜野色初鳴磬山花乍踏鳩泉分香雪  
淨竹過水亭幽勿復談戎馬春深草木柔

贈張直指

化柄豈搖嶽安綏當攬琴魚龍明海眼卉木辨天心扇暘甘棠  
野披裘伏日陰相看無冷焰方信道功深







